

HELAIAN PENDEDAHAN PRODUK



Pelanggan yang dihormati,
Helaian Pendedahan Produk (PDS) ini adalah direka untuk memberikan anda beberapa maklumat penting tentang Insurans Kemalangan Diri Pekerja Asing anda.

Pelanggan lain telah membaca PDS ini dan mendapati ianya berguna; anda juga patut membacanya.

Tarikh: 01/01/2026

1. Apakah Insurans Kemalangan Diri Pekerja Asing?

Insurans Kemalangan Diri Pekerja Asing adalah pelan perlindungan 24 jam di seluruh dunia. Insurans ini memberi pampasan kepada pekerja asing bagi kecederaan, hilang upaya atau kematian yang disebabkan oleh kemalangan. Ia berfungsi sebagai perlindungan tambahan kepada perlindungan wajib yang diperlukan di bawah Pertubuhan Keselamatan Sosial (PERKESO).

2. Ketahui Perlindungan Anda

Sebagai ilustrasi, untuk premium RM 50.00 (sebelum Cukai Perkhidmatan dan Duti Setem) setiap tahun, anda akan menerima perlindungan insurans berikut:

Polisi/sijil ini meliputi:	Polisi/sijil ini tidak termasuk:
• Kematian Akibat Kemalangan - RM25,000 • Hilang Upaya Kekal - RM25,000 • Perbelanjaan Perubatan (akibat kemalangan) - RM1,000 • Perbelanjaan Pengebumian / Perbelanjaan Penghantaran Pulang - RM6,500	• Peperangan atau risiko yang seumpamanya • Pengionan, radiasi atau pencemaran daripada radioaktif • Bunuh diri, kecederaan akibat perlakuan diri sendiri • AIDS atau penyakit kompleks berkaitan AIDS • Hamil, bersalin • Keadaan fizikal atau mental yang sedia ada • Penerbangan kecuali sebagai penumpang dalam kapal terbang yang berlesen penuh untuk membawa penumpang • Penyalahgunaan dadah • Aktiviti-Aktiviti Berbahaya • Perbuatan keganasan

Tempoh perlindungan insurans ialah 12 bulan. Anda perlu memperbaharui polisi/sijil anda setiap tahun.

Anda harus merujuk kepada kontrak polisi untuk senarai penuh pengecualian.

Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Risalah Sistem Perlindungan Manfaat Takaful dan Insurans (TIPS) PIDM atau hubungi MSIG Insurance (Malaysia) Bhd atau PIDM (layari www.pidm.gov.my).

Jika anda mempunyai sebarang soalan atau memerlukan bantuan mengenai Insurans Kemalangan Diri Pekerja Asing anda, anda boleh:



Hubungi kami di:
1-800-88-MSIG (6744)
atau 603-2050-8228



Kunjungi kami di:
<https://www.msig.com.my/>



Email kami di:
myMSIG@my.msig-asia.com

3. Ketahui Kewajipan Anda

Untuk Insurans Kemalangan Diri Pekerja Asing, anda mesti membayar premium sebanyak:	
Perlindungan Standard	: RM50.00 (setiap tahun)
Anda juga perlu membayar yuran dan caj berikut:	
[^] Duti Setem	: RM10.00
Komisen (25%)	: RM12.50 (Termasuk dalam premium)
Cukai Perkhidmatan (8%)	: RM4.00
Jumlah premium yang perlu dibayar	: RM64.00

[^] Pembayaran duti setem untuk premium tahunan tidak melebihi RM 150 dikecualikan sehingga 31/12/2028. Walau bagaimanapun, duti setem RM 10 perlu dibayar bermula 1/1/2029.

4. Syarat dan Terma Lain

- Anda mesti memberikan maklumat yang lengkap dan tepat dalam borang permohonan/cadangan.
- Anda mesti mendedahkan semua fakta material seperti pekerjaan anda, usaha peribadi dan sejarah perubatan.
- Kelayakan - Pekerja asing anda mestilah diambil bekerja secara sah di Malaysia dengan permit kerja yang sah, berumur antara 16 hingga 70 tahun pada tarikh permohonan.
- Tunai sebelum perlindungan - Perlindungan bermula hanya selepas anda membayar premium.
- Umur pembaharuan - Polisi ini boleh diperbaharui sehingga umur 70 tahun.
- Premium dan terma pembaharuan mungkin berbeza-beza bergantung pada sejarah tuntutan anda dan keperluan pengunderaitan kami.
- Notis Tuntutan - Anda mesti memaklumkan dan memberikan butiran tuntutan penuh kepada kami dalam tempoh 7 hari selepas mengalami sebarang kemalangan, kehilangan atau kerosakan.

Senarai ini **tidak lengkap**. Anda harus merujuk kepada kontrak polisi untuk senarai penuh terma dan syarat.

5. Bolehkah saya membatalkan polisi/sijil saya?

Ya, anda boleh membatalkan polisi/sijil anda pada bila-bila masa dengan memaklumkan kami secara bertulis. Kami akan membayar balik premium anda pada asas pro-rata bagi tempoh perlindungan yang belum tamat dan tertakluk kepada premium minima sebanyak RM50.00. Jika anda telah membuat tuntutan, tiada bayaran balik akan diberikan.

MSIG Insurance (Malaysia) Bhd ialah syarikat insurans am yang dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.